



**Broj: 150-16-35-402- 5 /23 MM**  
**Sarajevo, 10.02 2023. godine**

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

### **O D L U K U**

#### **o poništenju postupka javne nabavke usluge - objavljivanje u službenim listovima**

#### **Član 1.**

- (1) Ovom odlukom poništava se postupak javne nabavke usluge - objavljivanje u službenim listovima, procijenjene vrijednosti nabavke u iznosu od 23.000,00 KM.
- (2) Postupak iz stava (1) ovog člana se poništava jer nijedna od primljenih ponuda nije prihvatljiva.

#### **Član 2.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za pravne poslove Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

#### **Član 5.**

Ova Odluka će se objaviti na web stranici Centralne banke [www.cbbh.ba](http://www.cbbh.ba), u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14 i 59/22).

#### **O b r a z l o ž e n j e**

Postupak javne nabavke usluge - objavljivanje u službenim listovima, pokrenut je Odlukom, broj: 150-16-35-402-2/23 MM od 31.01.2023. godine.

U skladu s tim, Centralna banka je 02.02.2023. godine na portalu Javnih nabavki objavila Informacije o pregovaračkom postupku bez objave obavještenja o nabavci, broj: 1370-4-2-115-20-3/23.

U predviđenom roku za dostavljanje zahtjeva za učešće, odnosno do 13.02.2023. godine do 10:00 sati, dostavljen je zahtjev za učešće kandidata:

- JP NIO Službeni list Bosne i Hercegovine.



Komisija za provođenje postupka javne nabavke je izvršila pregled i ocjenu zahtjeva za učešće i utvrdila da kandidat nije dostavio obične kopije dokaza iz člana 45. Zakona o javnim nabavkama, kao što je traženo tačkama 1.7.2. i 1.14. tenderske dokumentacije. Naime, tačkom 1.7.2. tenderske dokumentacije je propisano slijedeće: „U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (javni bilježnik ili sud ili općina ili slično) izjavu koja je sastavni dio poziva, kao i obične kopije dokumenata navedenih u tačkama od a) do d).“, a tačkom 1.14. slijedeće: „a.Izjava (ANEKS 3.) o ispunjenosti uslova iz člana 45. stav (1) tačke od a) do d) Zakona o javnim nabavkama, uz koju dostavlja i obične kopije dokaza o ispunjavanju uslova.“

Komisija je Zapisnikom o pregledu i ocjeni dokumentacije – pretkvalifikacija, broj: 149-16-35-529-4/23 od 13.02.2023. godine, i Izvještajem o radu komisije sa preporukom, broj: 149-16-35-529-5/23/23 od 13.02.2023. godine, dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za pravne poslove;
- Kandidatu/ponuđaču (original);
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).

**GUVERNER**  
**dr. Senad Softić**

